

*Osnovna škola „Hamdija Kreševljaković“
Kakanj*

Bosna i Hercegovina, Federacija Bosne i Hercegovine, Zeničko-dobojski kanton, Općina Kakanj
Šehida br.2, 72 240 Kakanj

Menadžment: Tel.+387 (0) 32 465 257, fax: 465 260; Direktor: +387 (0) 32 465 261; Pom.direktora +387 (0) 32 465 258
E-mail: oshamdijakakanj@gmail.com; Web <https://www.oshkresevljakovickakanj>

Broj: 650 /24

Kakanj: 20. 09.2024. godine

Na sjednici Školskog odbora održanoj dana 24.09.2024. godine, Školski odbor donosi Zaključak:

INICIJATIVU ZA RJEŠAVANJE PROSTORNIH PROBLEMA ŠKOLE (DOGRADNJA UČIONIČA ILI IZGRADNJA PODRUČNE ŠKOLE).

Poštovani,

Molimo Vas da nam pomognete u rješavanju problema vezanog za nedostatak prostora u Osnovnoj školi „Hamdija Kreševljaković“ u Kakanju.

Naime, nedostatak korisnog zatvorenog prostora stvara veoma veliki problem u odvijanju nastavnih i vannastavnih aktivnosti u školi.

Predlažemo :

- Dogradnju tri učionice na postojeći školski objekat ili
- Gradnju manjeg školskog objekta - područne škole.

Obrazloženje:

Doseljavanje učenika na naše školsko područje je u stalnom porastu. Nastavni proces se odvija u tri smjene zbog velikog broja odjeljenja (47) što dodatno otežava organizaciju nastave. Zbog toga poslovi kao što su: popravke, održavanje, čišćenje, provjetravanje i sl. se moraju ubrzano obaviti jer su učionice zauzete tokom cijelog dana, bez ijednog časa pauze.

Prinučeni smo za redovan rad koristiti i male učionice koje nisu standardnih dimenzija i time otežavamo odvijanje nastavnog procesa i djeci i nastavnicima jer nemaju adekvatne uslove za rad.

Ove godine nastavu pohađaju 134 učenika I (prvog) razreda koji su raspoređeni u 6 (šest) odjeljenja. Trebali smo formirati 7 (sedam) odjeljenja, ali to nije bilo moguće zbog nedostatka prostora. Napominjemo i to da među prvačicima ima više učenika sa različitim poteškoćama u učenju i učešću, a koji rade po individualnim obrazovnim programima. Zbog takvih učenika, a prema Pedagoškim standardima, trebalo bi smanjiti broj djece u odjeljenjima što je za našu školu praktično nemoguće, a zbog već navedenih prostornih problema.

Povećanjem broja učenika na malom prostoru ugrožava se njihova bezbjednost. Povećani broj učenika je dodatno opterećenje. Škola broji 1055 učenika koji su smješteni na 2929,44 m² što je 2,77 m² /1 učeniku. To je mnogo manje od površine propisane Pedagoškim standardima.

Bosna i Hercegovina
FEDERACIJA BOSNE I HERCEGOVINE
ZENIČKO - DOBOJSKI KANTON
OPĆINA KAKANJ
ŠKOLSKI ODBOR
KAKANJ
25.9.2024.

Jed.	Broj	Pr.	Obraz.
33/1-	321	124	

Reorganizacijom korištenja školskog prostora smjestili smo učenike odjeljenja za djecu sa poteškoćama u razvoju u prošlogodišnju kancelariju računovođe koji sada dijeli kancelariju sa defektologom i timom za primjenu inkluzije.

Uz navedene razloge napominjemo i to da se, zbog preopterećenosti učionica i ostalih prostorija u školi, nastavnici na različite načine snalaze za odvijanje vannastavnih aktivnosti, pripremanje djece za različita sportska takmičenja, te održavanje kulturno-umjetničkih sekcija.

Stoga Vas molimo da razmotrite jednu od dvije ponuđene opcije za rješavanje ovog problema.

U slučaju odluke da se gradi područna škola, predlažemo da se razmotre lokacije kao što su Plandište ili Povezice jer veliki broj učenika koji pohađaju našu školu dolazi sa tih područja.

U nadi da ćete izneseni problem uzeti u razmatranje i da ćete podržati ovu inicijativu za njegovo rješavanje, unaprijed Vam se zahvaljujemo i očekujemo da će naši nastavnici i učenici novu školsku godinu dočekati u boljim prostornim uslovima.

Dostavljeno :

1 x Načelniku općine Kakanj

① x Općinskom vijeću

1 x Resornom ministarstvu Zeničko-dobojskog kantona

1 x Vladi Zeničko-dobojskog kantona

1 x a/a



Zamjenica predsjednika Školskog odbora:

Emina Škorić
(Škorić Emina)